

Fimmini

Supra tuttu su lunatici su faccioli su fanatici
su 'nvintieri minsugnari trampunazzi frazzatari
mascanzuna murmurusi ntrissatuni rungulusi
chiacchiaruni chiaiteri garrittuti parritteri.

Zoccu parri e cci cunfiri munnu munnu poi lu viri
n'è c'è forma di parrari ccu na donna e cunfidari
quarchi affari d'impurtanza secund'è la circostanza
pirchè appena ch'è fidatu ddu segretu è publicatu.

Vannu a caccia di truvare a cui l'hannu di cuntari
si no scattunu patisciunu nun cuetanu 'mpurrisciunu
nun abbentanu nun dorminu e ci veni quarchi torminu
sicchè a donna nun cummeni cunfidari mali e beni.